

Iluarsiissut

Siunnersuut 14.02.2019-imeersoq taarserpaa.
(Kalaallisuuani oqaasertaanik iluarsineq)

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffianni Siulittaasup aalajangiiffigisassatut siunnersuut manna saqqummiuppaa:

Nunat Avannarliit Killiit Siunnersuisoqatigiiffiata kaammattuutitut aalajangersagassaanut nr. 1/2018-imut siunnersuut:

Nunat akornanni timersornikkut suleqatigiinnerup annertusarneqarnissaanut periarfissat misissorneqarnissaannik Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni aamma Islandimi Naalakkersuisut kaammattorpai.

(Aallartitat siulittaasuat Vivian Motzfeldt)

Tungavilersuut:

Nunani avannarlerni killerni inuusuttut timersornikkut kulturikkullu imminnut ilisareqatigiilernissaat pingaartuuvoq. Timersorneq iluatsitsiffiussappat timersornerup iluani meeqqat inuusuttullu qitiutinneqarnissaat aammalu assersuutigalugu illup iluani silamilu timersortarfinnut aningaasaliinissaq tungaviulluinnarput.

Inuusuttunik assammik isikkamillu arsaannermik pissartannorniutsitsinerit nunani avannarliit killerni annertuumik misilittagaqarfigneraput. Kalaallit Nunaanni illoqarfiit assigiinngitsut naapitillugit assammik isikkamillu arsarnermik meeqqanik unammisitsisoqartarpoq Savalimmiunilu meeqqanik inuusuttunillu pissartannorniutsitsisoqartarluni. Taamatuttaaq Islandimi meeqqat atuarfiini niviarsiaqqat nukappiaqqallu nukarliunerusut ukiukkut basketballernermik assammillu arsarnermik aasakkullu isikkamik arsarnermik unammisinneqartarput. Unammiaartitsinerit ilaat 1000-it sinnerlugit amerlassusilinnit peqataaffigineqartarput aammalu angajoqqaat ikiortillu amerlasuut nunami aqqissuussiffiusunut illersukkaminik tapersersuillutik malinnaasarlutik. Unammisut niviarsiaaraanerat nukappiaraaneralluunniit apeqqutaatinnagu unammiaartitsinerit tamakku assut soqutigineqartarput.

Tamatumani timersoqatigiit assigiinngitsut illoqarfinnit assigiinngitsuneersut naapittarput. Kalaallit Nunaanni unammisitsinerit meeqqanik unammisitsinernut (børnecup), inuusuttunut inersimasunullu Kalaallit Nunaanni pissartanngorniutsitsinernut agguataarneqarsimapput.

Nunat avannarliit killiit suli imminnut qaninnerulersinniarlugit assersuutigalugu timersornerup iluani suleqatigiinnermik aqqissuussaasumik pilersitsisoqarsinnaavoq, tamatumani nivarsiaqqat nukappiaqqallu Kalaallit Nunaanneersut Savalimmiuneersullu Islandimi pisartanngorniunnerni peqataanissamik neqeroorfigineqarsinnaallutik imaluunniit nunat pingasut paarlakaallutik nunani avannarlerni killerni timersornikkut pissartanngorniutsitsinernik aqqissuussisinnaallutik. Tamatumani aningaasartuutit matussuserneqarnissaannut angalanissamut tapiiffigineqarnissamik NATA-mut (North Atlantic Tourism Association), nunat pingasut akornanni angalanernut aamma timersortartut angalanerirut tapiissuteqartartumut qinnuteqarnissaq periarfissaasinnaavoq. Taamak iliornikkut nunat attaveqatigiinnerat inuusuttut aqutigalugit qaqugorsuarmut atuuttussamik nukittorsarneqarsinnaavoq. Islandip kingullertigut timersornikkut iluatsitsinera avannaata kitaani nunat allat aamma alloriarfittut atorluarsinnaavaat. Attaveqarnikkut, ilinniartitaanikkut atortorissaarutitigullu misilittakkanik iluatsittumillu ingerlanneqartunik avitseqatigiinnikkut nunat avannarliit killiit timersornikkut siunissami pitsaanerusunik angusaqartalersinnaapput.

Taamaattumillu nunani avannarlerni killerni inuusuttunut aammalu nunat avannarliit killiit siunissami suleqatigiinnissaannut iluaqutaasumik nunat akornanni timersornikkut suleqatigiinnerup qanoq tapersorneqarsinnaanera nunani avannarlerni pingasuusuni Naalakkersuisuusut iternga tikillugu misissussagaat Nunat Avannarliit Killiit Siunnersuisoqatigiiffiata kaammattuutigaa.